

**AI 2014**

**Naalakkersuisut Siulittaasuat – Suliassaqarfik 10 - 12**

**Konto pingarneq 10.13.11 Aktiaateqarluni ingerlatseqatigiiffinnut aningaasanngorlugit**

Oqaaseqaatit uku ilanngunneqassapput:

”Nr. 2.

Naalakkersuisut pisinnaatitaaffilerneqassapput annerpaamik 4,5 mio. koruuninik NunaMinerals A/S-imut ilaannakuusumik tamakkiisumilluunniit atukkersinnaalissallugit, taamaasiortoqarneratigummi akiitsut aktiannngortinneqarsinnaalersinnaaniassammata.

Nr. 3.

Naalakkersuisut pisinnaatitaaffilerneqassapput aningaasat atunngitsoorsimasat ukioq aningaasarsiorfiusup tullianut nuunneqarsinnaalersillugit.”

**Konto pingarneq 10.13.11 Aktiaateqarluni ingerlatseqatigiiffinnut aningaasanngorlugit - mut nassuiaatit**

Oqaaseqaatit uku oqaaseqaatinut ilanngunneqassapput:

”Nr. 2.

Oqaasertaliussamut nr. 2 ilanngunneqassaaq, taamaasiortoqarneratigut Naalakkersuisut pisinnaatitaaffilerneqarniassammata NunaMinerals A/S-imut tapiissutitut aningaasaliussassat 4,5 mio. koruuniusut ilaannakuusumik tamakkiisumilluunniit atukkiinertut isigineqarsinnaalerniassammata kingunerisaanillu piginneqatigiissutitut tassa aktiatut tamatuma kingorna pilersinneqarsinnaaniassammata.

Aningaasaliissutit 4,5 mio. koruuniusut tunniunneqarpata ilaannakuusumik tamakkiisumilluunniit NunaMinerals A/S-imut atukkiunneqassapput, taamaaliortoqarneratigut NunaMinerals A/S-imut Namminersorlutik Oqartussat eqaannerusumik periuseqarsinnaalerniassammata.

NunaMinerals A/S-imut aningaasaliissutissat 4,5 mio. koruuniusut Aningaasaqarnermut-Akilerartarnermullu Ataatsimiititaliamit ulloq 7. november 2014 akuersissutigineqarput.

Oqaasertaliussaq nutaajuvoq.

Nr. 3.

Aningaasat atunngitsuukkat ukioq aningaasarsiorfiusup tullianut nuunneqarsinnaalernissaannut oqaasertaliussap Naalakkersuisut pisinnaatitaaffilissavai. NunaMinerals A/S-ip 4,5 mio. koruuninik tapiiffigineqarnissaa NunaMinerals A/S-ip siunissaa pillugu 2015-ip aallartilaarnerani ataatsimeersuassutigineqareerpat aatsaat aningaasaliissutitut imaluunniit atukkiinertut tunniunneqarsinnaalernissaannut taama pisinnaatitaaffiliinerup kingunerissavaa.

## **Bilag 2, oqaasertaliussat kiisalu oqaasertaliussanut nassuiaatit**

Oqaasertaliussaq nutaajuvoq.”

Aningaasaqarnermut Ataatsimiititaliamit ulloq 27-11-2014 akuerineqartoq., suliaq nr. 14-681.

### **Pinngortitamut Avatangiisinullu Naalakkersuisoq – Suliassa qarfiit 73 – 77**

#### **Kotomut pingaarnermut 73.94.02 Nukissiorfiit**

Nr. 2.

Una oqaasertaliussamut nr. 2-mut ilaliunneqassaaq:

”Akinut akissarsianullu nalileeriaatsit tunngavigalugit atuisunut nalinginnaasunut innaallagissamut imermullu akit minnerpaaffissaannut annerpaaffissaannullu iluarsiinissamut Naalakkersuisut piginnaatinneqarput.”

#### **Kotomut pingaarnermut 73.94.02 Nukissiorfiit nassuiaatit**

Nr. 2.

Una oqaasertaliussamut nr. 2-mut ilaliunneqassaaq:

”Atuisunut akinik annertuumik qaffaanissap pinngitsoortinneqarnissaa, aammalu Nukissiorfinni pisariaqanngitsumik akiliisinnaassutsimik annertusaanissap pinngitsoortinneqarnissaa siunertaralugu, akinut akissarsianullu nalileeriaatsit tunngavigalugit akinik iluarsiinissamut Naalakkersuisut piginnaatinneqarput.

Akit Nukissiorfinni aningaasartuutit ineriartornerat malillugu iluarsineqartussaagaluarput, tamannali akit qaffasinnerusumik qaffannerinik kinguneqartussaavoq.

2014-ip ingerlanerani Naalakkersuisut akit minnerpaaffissaannik annerpaaffissaannillu iluarseeeriaasissamik siunnersuusiorniarpur, tassanilu akit Nukissiorfinni aningaasartuutiviusut ineriartornerat malillugu ineriartortinneqarnissaat qulakkeerneqassaaq. Akeqartitseriaatsimik isumannaannerusumik akuersissuteqarnissaq siunertarineqarpoq.”

Aningaasaqarnermut Ataatsimiititaliamit ulloq 29-01-2014 akuerineqartoq., suliaq nr. 14-654.

### **Ineqarnermut Naalakkersuisoq – Suliassa qarfik 80-89**

#### **Suliassa qarfimmu 80 - 89 Sanaartugassat Iluarsagassallu**

Oqaaseqaatit uku ilanngunneqassapput:

”Nr. 7.

Sanaartornermut Immikkoortortaqarfiup suliassa qarfik 80 – 89 Sanaartorneq Iluarsaassinerlu ataani, kontomi pingaarnermi 70.01.04 Sanaartornermi aqutsineq suliniutinullu aningaasartuutit ataanni nammineerluni aningaasartuutiminut matussutissatut sanaartukkani ataasiakkaani nammineerluni aningaasartuutininut matussutissatut sanaartukkani suliniutini ataasiakkaani

## **Bilag 2, oqaasertaliussat kiisalu oqaasertaliussanut nassuiaatit**

sanaartugassap akiata 2,5 procentiata nalinganik akiligassiisoqartarnissaanik Naalakkersuisut piginnaatinneqarput. Piginnaatitsissummi 2014-imi katillugit 7,8 mio. koruunit qaangerneqarsinnaanngillat.”

### **Suliassaqarfimmut 80 - 89 Sanaartugassat Iluarsagassallu oqaaseqaatit**

Oqaaseqaatit uku oqaaseqaatinut ilanngunneqassapput:

”Nr. 7.

Suliassaq A/S Inissiaatileqatigiiffik INI-mit tiguneqarluartoq, sanatitsisumut siunnersorteqarnermut sanatitsisullu nakkutilliineranut aningaasartuutit sulii sulianut ataasiakkaanut iluarsineqartarnissaat siunertaralugu oqaaseqaat nr. 7 ilanngunneqarpoq. Sanaartornermut Immikkoortortaqarfimmi sulisut sanaartornermi aqqissuussinerit assigalugit suliani ataasiakkaani nalunaaquttap akunnerinut atorneqartunut naatsorsuusiortussaapput. Isumalluutinik atuineq aamma suliani ataasiakkaani suliat sanaartukkallu ingerlanerini naliliinermi paasisutissaavoq naleqarluartoq.

Namminersorlutik Oqartussat sanaartugassaataat kiisalu Namminersorlutik Oqartussani sanaartukkat aserfallatsaaliorneqarneranni suliat immikkoortortamut qitiusumut nukittuumut, tassalu Ineqarnermut Naalakkersuisoqarfimmi Sanaartornermut Immikkoortortaqarfimmut katersorneqarnissaat anguniagaavoq. Taamaalilluni suliassat suliarineqartarnerisa pisariusut suliassallu naammassinissaannut unammilligassat imminnut naleqqussarneqarsinnaalissapput. Aamma nukiit sumiiffimmut ataatsimut katersorneqarnissaat pisariillisaanermi pissarsiassa qarfiussa, kiisalu suliat assigiinngitsut ataatsimut katersorneqarnerat iluaqutaasumik sunniuteqassaaq, ataatsimullu illuutini aningaasaqarnerup ataatsimoortup pitsaanerulerneranik kinguneqassalluni, taamaalillunilu siunissaq ungasinnerusoq isigalugu sipaaga qarfiussalluni.

Oqaaseqaat nutaajuvoq.”

Aningaasaqarnermut Ataatsimiititaliamit ulloq 26-02-2014 akuerineqartoq., suliaraq nr. 14-655.